

Latit.
Gr. Scr.

Longit.
Gr. Scr.

50 INDEX GEOGRAPHICUS.

- regionem & Phrygiam. 1. ad Corinthios 16. v. 1. de collectis, quæ sunt in sanctos, sicut ordinavi Ecclesiis Galatiæ, ita & vos facite. Epist. ad Galat. 1. v. 2. Ecclesiis Galatiæ scribit. In secunda Epist. ad Timoth. 4. v. 10. ait; Crescentem in Galatiam abiisse. Galatiæ etiam meminit Epist. 1. Petri c. 1. v. 1.
32. 21. 66. 22. Galgal urbs regia. Josue etenim 12. v. 23. inter Reges à se devictos: Rex gentium Galgal unus est.
31. 43. 67. 12. Galgala locus propè Jordanem, & ubi transito Jordane castrametati sunt Israëlita. Duodecim quoque lapides, quos è medio Jordanis alveo sumpserant, posuit Josue in Galgalis, Josue 4. v. 19. & 20. & 5. v. 10. manserunt Filii Israël in Galgalis, & fecerunt Phase, v. 11. & comederunt de frugibus Terræ die altero. v. 12. defecitque Manna postquam comederunt de frugibus Terræ Chanaan. Cap. 9. v. 6. & seq. Dum Josue morabatur in castris Galgalæ, Gabaonita induti veteribus vestibus, & calceis; sumptisque panibus mucidis, seque è longinqua regione venire simulantes callidè pacem petunt, obtinentque: sed fraude deprehensa, ad perpetuum populi, & altaris ministerium adstricti sunt, ut cederent ligna, & aquas comportarent ad locum, quem Dominus elegisset. Galgalis pene semper castrametati sunt Josue, & Israëlita, dum Terram Chanaan sibi vendicant. Galgalis erat Eglon Rex Moabitarum, cum Aod, qui utraque manu pro dextera utebatur, eum gladio ancipiti five pugione interfecit: vicinisque Israëlitis ad arma vocatis, percussit Moabitas circiter decem millia, Judic. 3. In Galgalis Saül à Samuele in Regem Israëlitarum coram Domino, & omni populo confirmatur, 1. Reg. 11. sed 13. v. 9. & seq. cum ibi holocaustum temere obtulisset Saül, Samuel ipsum reprehendit, dicitque ab ipso Regnum Israël brevi amovendum. Iterum Galgalis erat Saül, cum Samuel ipsum inobedientiæ arguit, quod à Domino missus, ut funditus deleteret Amalec, nihilominus Regem Agag, optimamque prædam ipse reservarat, c. 15. & v. 33. Samuel in frustra concidit Agag coram Domino in Galgalis.
33. 0. 67. 20. Galilæa regio celeberrima, & quæ Septentrionalem obtinet totius Judææ partem; quatuor amplexa Tribus: Aser, Nephthalim, Zabulon, & Isachar, quarum primæ duæ Phœnicibus, & Syris intermixtæ Septentrioni etiam & Jordanis fontibus viciniore sub Galilæa Gentium, Isaïæ 9. v. 1. & Matth. 4. v. 15. aliis sub Galilæa superiori: reliquæ sub inferiori, ut plurimum intelliguntur. Totius fines sunt à Septentrione Syria five Phœnicia, interjacente Libano; à Meridie Samaria, & Carmelus Mons; ab Oriente Jordanis fluvius; ab Occidente Mare magnum, five Occidentale. In ea Christus conceptus, educatus, & ut plurimum conversatus, Evangelii gratiam primum prædicavit, innumera miracula patravit. Ideoque Galilæus ipse, Apostoli, & Christiani aliquando Galilæi vocabantur. Galilææ meminere omnes Evangelistæ pluribus in locis; Galilææ Gentium solus Matth. Tetrarchiæ Galilææ solus Lucas 3. v. 1. superioris & inferioris Galilææ Josephus pluribus in locis.
31. 32. $\frac{1}{2}$ 67. 45. Gallim. 1. Reg. 25. v. 44. Saül dedit Michol filiam suam uxorem David (qui effugerat) Phalti filio Laïs, qui erat de Gallim. Isa. 10. v. 30. Hinni voce tua filia Gallim, attende Laïsa. & 15. v. 8. quoniam circuivit clamor terminum Moab, usque ad Gallim ululatus ejus.
32. 30. 67. 45. Gamala urbs inferioris Gaulanitidis in conspectu Taricheæ, sita in alto, & præcipiti monte, qui à Cameli forma non multum dissimilis est. Joseph. 1. Bell. c. 4. & 4. c. 1. In castello Gamalæ Alexander Hyrcani frater Demetrium cepit, captivumque retinuit. lib. 2. cap. 25. & 4. c. 1. Vespasianus à Josepho antea munitam cepit, omnesque oppidanos gladio interfecit.